

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Soqanngilaq

04. Suliassat nalinnaasut

Imm. 4.1 Qeqqata Kommuniata meeqqanik angerlarsimaffiup avataanut inissinneqarsimasunut pinaveersaartitsinissamik periusissiaa

05. Sulisoqarnermut tunngasut

Soqanngilaq

06. Paasissutissiissutit

Imm. 6.1 Sisimiuni Maniitsumilu Atugarissaarnermut Immikkoortortanut tunngatillugu Isumaginninnermi Naammagittaalliuteqartarfimmi piffissami 1. januar 2022-mit 30. juni 2022 ilanngullugu aalajangiinerit pillugit ilisimatitsissut.

08. Tamalaat

Imm. 8.1 Tamalaat

Ataatsimiinneq aallartippoq nal. 13:12

Peqataasut:

Inuit Ataqtiguit

Juliane Enoksen, Sisimiut
Agathe Fontain, Nuuk

Siumut

Kirstine Olsen, Sisimiut
Barnabas Larsen, Kangaamiut

Naleraq

Paneeraq Olsen, Nuuk

Nalunaaruteqarlutik peqataanngitsut:

Nalunaaruteqaratik peqataanngitsut:

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

- Sisimiuni sulilersut nutaat
- Inersimasut katsorsaanerit
- Angajoqqaarsiat pikkoriassartut
- Sap. Ak. Pikkorissarnissaq
- Covid19
- Maniitsumi pisortassaq
- Ulloq unnuarlu inissiisarfissaq pillugu paasissutissiineq
- Kommuni akigititaanut siunnersuut
- Ældrestrategi-mut suliaq killiffialu
- Paneeraq Olsen-ip oqaluuserisassannngortinnikuusaa Utoqqaat Angerlarsimaffiani nalunaarsuisarneq pillugu suliap killinnera. Suliaq ataatsimianneq tulliani ilaatinneqassaaq.

03. Aningaasaqarnermut tunngasut

Soqanngilaq.

04. Suliassat nalignnaasut

Imm. 4.1 Qeqqata Kommuniata meeqqanik angerlarsimaffiup avataanut inissinneqarsimasunut pinaveersaartitsinissamik periusissiaa

Journalnr. 42.00

Tunuliaqutaq

2021-mi septembarip 30-anni kommunalbestyrelsip ataatsimiinnerani Paneeraq Olsen-imit siunnersuutigiineqarpoq, Qeqqata Kommunanu atuuttussamik meeqqanik angerlarsimaffiup avataanut inissiisarnerit pinaveersaartinneqarnissaannut periusissiamik suliaqartoqassasoq, meeqqamik inissiisarnerit meeqqap avatangiiserisaanut tamanut sunniisarmata. Tassunga atatillugu siunnersuutigivaa, meeqqat angerlarsimaffiup avataanut inissinneqarnikuusut angerlartinneqarnerisa kingorna ilaqutaasut qanoq tapersorneqarnissaannut periusissiamik suliaqartoqassasoq.

Pinaveersaartitsinermik periusissiami siunertaasoq tassaavoq, ilaqutaasunut ataasiakkaanut aamma ilaqutaasut tamaasa isigalugit angerlarsimaffiup avataanut inissiinissat pinaveersimatinnissaannut kommuni qanoq suliniuteqarsinnaanersoq ikiuussinnaanersorlu.

Maleruagassatigut tunngavissaq

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq § 3. Kommunalbestyrelse iliuseqarnermigut paasiniaanermigullu pisariaqassappallu Inatsisartut Inatsisaat una naapertorlugu ikiorsiinissamut neqerooruteqarnermi meeqqap kialuunniit alliarturneranut uku aallaavigalugit peqataassaaq:

- 1) atugarissaarnissaanut, peqqissuunissaanut ineriartornissaanullu,
- 2) isumassuinnikkut avatangiisini toqqissisimanartuni,
- 3) inersimasunut, ilaquttanut inuttullu attaveqartarfiinut toqqissisimanartumik aalajaatsumillu attavissaqartuarnissaanut,
- 4) inersimasutut nammineersinnaassuseqarluni inuunerup angujartornissaata ilinniarnerni inuttullu ineriartornerani tatiginartunik sinaakkuteqarnissaanut.

Imm. 2. Meeqqap inuunerani pissutsit ataatsimut isigalugit ikiorneqassaaq sapinngisamillu siusissukkut ikiorneqassalluni.

Imm. 3. Kommunalbestyrelse meeqqanut inuusuttunullu ataqatigiissumik ilusilersukkamik kiisalu meeqqanik sumiginnaanermik pinaveersaartitsinermut piareersimasortalimmik siusissukkut paasisaqartarnissamut meeqqallu sumiginnakkat pillugit sulianik suliarinnittarnermut upalungaarsimasussanik, kiisalu ajornartoornermi upalungaarsimanissamik periusissiuussalluni meeqqamik angerlarsimaffiup avataanut inissiinissap tungaanut isumaginnikkut nakkutilliinermik suliaqarnissamut pilersaarusiussaaq, takuuk § 36 imm. 3 naammassisinnaajumallugu politikiliussaaq. Taannalu kommunip nittartagaani tamanut saqqummiunneqassaaq sivisunerpaamillu ukiut sisamat allortarlugit iluarsaateqqinneqartassalluni.

Pissutsit atuuttut

Meeqqanik sumiginnaanermi ilisarnaataasartunik pissutsinik aqqanilinnik periusissiami taasisoqarpoq taakkulu Tarnit pissusaannik ilisimasalimmit Heidi Lindhold aamma psykiaterimit Jakob Lindholm-imit suliaapput. Pissutsit aqqanillit taakku nassuiarneqartut tassapput: Angajoqqaat piginnaasaat apparnikoq, Eqqarsartaatsikkut eqqortianeq, Kinguaassiutitigut atornerlugaaneq, Aangajaarniutinik ajornerluineq, Imminut toquttarneq, ajutoornerit toqutsinerillu, Ineqarniarnikkut ajornartorsiutit, Suliffeqarneq aningaasaqarnerlu, Nuuttarnermi periutsit aamma nunap

immikkoortuini pissutsit, Pisortat neqeroorutaannik aqqissuussineq, Nunasiaataasimanerup kingorna kulturi.

Kommunitsinni unammillernartooq ilisimaneqartoq ajoraluartumik tassaavoq meeqqanut inuusuttunullu suliaqarfimmi sullissisut ullut tamaasa suliaassanut nukingernartunut qisuariaateqartariaqartarnerat, meeqqanut taakkulu ilaqutaannut pinaveersaataasumik suliniutinik suliaqarnissamat taarsiullugu. Taamaattumik pingaarutilerujussuuvoq suliaassarfiup ersarissumik suleriaaseqarnissaa, ersarissunik suliniutinik neqerooruteqarnissaa aamma ingerlaavartumik suleqataasut akornanni avitseqatigiittarnissaq, sullissisut sunniutilimmik, akimmiffeqanngitsumik suliamillu pitsaassulimmik suliaqarsinnaanerannut takunnissinnaanngortitsuussusaq. Suleriaatsimik pitsanngorsaaneq sullissisut pinaveersaartitsinermik suliaqarnissaannut inissaqarnerulersitsissaaq, tamatumalu kingunerissallugu ungasinnerusoq isigalugu inissiinerit ikinnerulernissaat.

Taamaattumik periusissiami qulequttat tulliuuttut, suleriaatsip sunniuteqarnerulernissaata aamma meeqqanut ilaqutaasunullu suisissakkut iliuseqartarnerup aqqutissiuunneqarnissaat:

- Pinaveersaartitsinissamik eqqarsartariaaseqarneq iliuseqartarnerlu
- Paasissutissanik ingerlatitseqqiineq

- Ingerlaavartumik piginnaasanik ineriartortitsineq
- Sullissinerup nukittorsarneqarnera
- Suliniutit ingerlaarfiat

Atuilluartaunissakkut kingunerisinnaasai

Ungasinnerusoq isigalugu meeqqanik angerlarsimaffiup avataanut inissiisarnerup appartinnissaanut periusissiamik atuutsitsilernissaq atuilluartauneruvoq.

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

1. Qeqqata Kommuniata meeqqanik angerlarsimaffiup avataanut inissiisarnermut periusissiaa akuersissutigineqassasoq
2. Suliniutit ingerlaarfiat akuersissutigineqassasoq
3. Meeqqanut ilaqutaasunullu katsorsarneqarnissamat neqeroorutininik qaffasaanissamat ataatsimiititaliaq allaffimmik peqateqarluni ingerlaavartumik suliaqassasoq, taamaalilluni meeqqat angerlarsimaffiup avataanut inissinneqartarnerat appartinneqarsinnaammat
4. Ataatsimiititaq allaffeqarfik peqatigalugu katsorsartinnissamat neqeroorutininut suliniutinullu pinaveersaataasunut ulloq unnuarlu inissiisarfinnut aningaasartuutit sapinngisamik allannortillugit atorneqartalissasut ungasinnerusorlu isigalugu inissiisarnernut aningasartuutinik sipaaruteqartitsisumik.
5. Qeqqata Kommuniata meeqqat angerlarsimaffiup avataanut inissiisarnerup pinaveersaartinnissaanut periusissiaa Kommunalbestyrelsimi akuersissutissanngorlugu ingerlateqqinneqassasoq

Aalajangiineq

Suliaq suliareqqitassanngorlugu allaffimmut utertinneqaqqippoq ataatsimiinnerup tullianut ilaasussanngorlugu.

Ilanngussaq

1. Qeqqata Kommuniata meeqqanik angerlarsimaffiup avataanut inissiisarnerup pinaveersaartitsinissaanut periusissiaa

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Sisimiuni Maniitsumilu Atugarissaarnermut Immikkoortortanut tunngatillugu Isumaginninnermi Naammagittaalliuuteqartarfimmi piffissami 1. januar 2022-mit 30. juni 2022 ilanngullugu aalajangiinerit pillugit ilisimatitsissut.

Journalnr. 40.00.01

Tunuliaqutaq

Qeqqata Kommuniani Atugarissaarnermut Immikkoortortap kissaatigaa, Isumaginninnermi Naammagittaalliuuteqartarfimmit aalajangiinerit tusarliunneqartalissasut, Qeqqata Kommunianilu Atugarissaarnermut Immikkoortortap siunissami ukiup affakkaarlugit Atugarissaarnermut ataatsimiititaliaq aalajangiinerit pillugit ilisimatitalissavaa.

Maleruagasatigut tunngavissat

Oqaaseqaateqanngilaq.

Pissutsit atuuttut

2022-imi januarip aallaqqaataanit juni 30-ata tungaanut Atugarissaarnermut Immikkoortortaqaqarfiup Isumaginninnermi Naammagittaalliuuteqartarfimmit aalajangiinerit imak amerlassutillit tigusimavaat:

Sisimiuni: 9-it

Maniitsumi: 4-t

Taakkunanga Sisimiuni Atugarissaarnermut Immikkoortortaq aalajangiinerni 3-it isumaqatigineqarpoq.

Maniitsumi Atugarissaarnermut Immikkoortortaq aalajangiinerni 2-inik isumaqatigineqarpoq.

Sisimiuni Atugarissaarnermut Immikkoortortamut tunngatillugu aalajangiinerit 6, nutaamik aalajangigassanngorlugi Isumaginninnermi Naammagittaalliuuteqarfimmit utertinneqartut. Maniitsumi Atugarissaarnermut Immikkoortortamut tunngatillugu aalajangiinermi 1 nutaamik aalajangigassanngorlugi Isumaginninnermi Naammagittaalliuuteqarfimmit utertinneqartut.

Utertitsinnermut suliap naammattumik paasissutissartaqannginnera peqqutaasinnaavoq, innuttaasumit allagaatinik sulialluunniit qanoq suliarineqarneranik amigaateqarnera peqqutaalluni. Taamaattumik suliaq suliareqqinneqassaaq, tamannalu aallaavigalugu Sisimiuni Maniitsumiluunniit Atugarissaarnermut Immikkoortortap imaluunniit Atugarissaarnermut Isumaginninnermullu ataatsimiititaliamilluunniit aalajangiineq atuuttuusoq imaluunniit nutaamik isummertoqarsinnaassalluni.

Aalajangiinerni 0-ni Sisimiuni, Sisimiullu eqqaani innuttaasup maalaaruteqarnermini isumaqatigineqarluni, Atugarissaarnermut Immikkoortortap imaluunniit Atugarissaarnermut Isumaginninnermullu Ataatsimiititaliap aalajangiinera atortussaajunnaarsinneqarluni.

Aalajangiinerni 0-it Maniitsumi, Maniitsullu eqqaani innuttaasup maalaaruteqarnermini isumaqatigineqarluni, Atugarissaarnermut Immikkoortortap imaluunniit Atugarissaarnermut Isumaginninnermullu Ataatsimiititaliap aalajangiinera atortussaajunnaarsinneqarluni.

**Atugarissaarnermut Ataatsimiititaliap oktober-ip 10-ani 2022-imi ileqquusumik ataatsimiinnera
09/2022 – Imaqarniliaq**

Naammagittaalliuuteqarnissamut killissarititaasoq qaangerneqarsimanera peqqutaalluni Isumaginninnermi Naammagittaalliuuteqartarfimmiit suliarineqarsinnaangitsut Sisimiuni Atugarissaarnermut Immikkoortortaqarfiata nalunaarummik tigusaqarsimangillat. Naammagittaalliuuteqarnissamut killissarititaasoq qaangerneqarsimanera peqqutaalluni Isumaginninnermi Naammagittaalliuuteqartarfimmiit suliarineqarsinnaangitsut Maniitsumi Atugarissaarnermut immikkoortortaqarfiata nalunaarummik ataatsimik tigusaqarsimapput.

2022-imi januar aallaqqaataaniit junip 30-ata tungaanut Isumaginninnermi Naammagittaalliuuteqartarfimmiit aalajangiinerit ima agguataarsimapput:

| | Qeqqata Kommunia isumaqatigineqarluni aalajangiinerit amerlassusaat | | Isumaginninnermi Naammagittaalliuuteqartarfimmiit aalajangiinerit utertinneqartut. | | Innuttaasut isumaqatigineqartut aalajangiinerit amerlassusaat | | Naammagittaalliuuteqarnissamut killissarititaasoq qaangerneqarsimanera peqqutaallini suliarineqarsinnaangitsut | |
|--|---|-----------|--|----------|---|-----------|--|-----------|
| | Sisimiut | Maniitsoq | Sisimiut | Sisimiut | Sisimiut | Maniitsoq | Sisimiut | Maniitsoq |
| Suliap suussusaa | | | | | | | | |
| Pisortanit ikiorsiissutit ineqarnermut akiliutissat kinguaattoorutit ilanngullugit | 3 | 1 | 2 | 1 | 0 | 0 | 0 | 0 |
| Siusinaarl. pensionit | 0 | 0 | 3 | 0 | 0 | 0 | 0 | 1 |
| Utoqqalinersiaqarneq | 0 | 0 | 0 | 0 | 0 | 0 | 0 | 0 |
| Innarluutillit | 0 | 1 | 1 | 0 | 0 | 0 | 0 | 0 |
| Ineqarnermut tapiissutit | % | 0 | % | 0 | % | 0 | % | 0 |
| Meeqqat inuusuttuaqqanullu tunngasut | 0 | 0 | 0 | 0 | 0 | 0 | 0 | 0 |
| Katillugit | 3 | 2 | 6 | 1 | 0 | 0 | 0 | 1 |

Aningaasaqarnikkut allaffissornikkullu kingunerisinnaasai
Oqaaseqaatissaqanngilaq.

Atuilluartuunissakkut kingunerisinnaasai

Aalajangiinerit tusarliunneqartalernissaat Atugarissaarnermut Immikkoortortap iluaqutaassasoraa.

Allaffeqarfiup naliliinera

Kommunimi aalajangiineq pillugu innuttaasut naammagittaalliuuteqarnissaminnut periarfissaminnik atuisarnerat Atugarissaarnermut Immikkoortortap aallaavittut naammagisimaarpaa, soorluttaaq Isumaginninnermi Naammagittaalliuuteqartarfiup aalajangiineri tamaasa Atugarissaarnermut Immikkoortortap isiginiartarai.

Innersuussut

Atugarissaarnermut Ataatsimiititaliamut Sisimiuni Maniitsumilu Atugarissaarnermut
Immikkoortortaqarfiit innersuussutigaat

- Isumaginninnermi Naammagittaalliuuteqartarfimmit aalajangiinerit 2022-imi 1. januar 2022-
miit 30. juni ilanngullugu pillugit ilisimatitsissut tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

Soqanngilaq.

08. Tamalaat

Imm. 8.1 Tamalaat

Kirstine Olsen oqaluuserisassanngortitaa persuttaanermut pinaveersartitsinissamik innuttaasunik naapisitsinissaq saqqummiunneqanngitsoq ersaqqissaassutigaa. Pisortaanerup ilisimatitsissutigaa allaffissornikkut aqqissuuteriaannaasoq.

Agathe Fontain pinaveersartitsisut suleqatiginerunissaat pillugu apeqquteqarteqarpoq kommune qanoq suleriaaseqarnerisooq. Pisortaanerup akissuteqarfigaa pisortaaqut naapittartut.

Paneeraq Olsen angerlarsimaffiup avataanut inissinneqarsimasut paasissutissiisarneq pillugu apeqquteqarpoq pisortamiillu paasissutigineqarpoq ataatsimiinnerup tulliani paasissutissiissutigineqarumaartoq.